

قصيدة " جيل فض رابعة "



الأحد 1 يونيو 2014 12:06 م

نافذة مصر

اللي حضروا فض رابعة
مهما كانوا صغار ف نظرك
أوعي تسأل حد فيهم
إنت سنك يا بني كام

اللي حضروا الفض أصلا
لو يعيشوا العمر كله
يحكوا ع اللي شافوه في ليلة
مش هيكفيهم كلام

أوعي تنتط عليهم
لو كبير في السن حبة

لأ .. دا أصغر طفل فيهم
أي شاب وأي شابة

لو هحكوا ع المجازر
واللي بعيونهم شافوه

تلقي عند الطفل فيهم
خبرة تكسر ألف ضبة

اللي حضروا فض رابعة
جيل هيفرق في التاريخ

شاف بعينه جيش بلاده
بالرصاص يقتل جريح

جيل ثبت في الشدة لما
وحده .. كل الناس سابوه

جيل ما خافشي لما تاني
باعه كل زعيم .. وشيخ !

واللي حضروا فض رابعة
فيهم الطفل المصاب

دا مسيره ف يوم هيڪبر
بكرة ييقي م الشباب

مهما عاش عمره ما ينسي
لحظة شاف الموت قريب

مش هينسي قاتل أخته
أبو دبورة وكابُ

واللي حضروا فض رابعة
مهما كانوا صغار ف نظرك
أوعي تسأل حد فيهم
إنت سنك يابني كام